

讀

書

雜

識

讀書雜識序

道光丁未秋客杭時長洲陳碩甫先生假館振綺堂汪氏校刻書籍汪氏所藏大唐類要為曝書亭舊物予借觀於陳先生先生曰是書唐樓勞氏過鈔副本季言校正處最精確蓋訪之旋歸而道出唐樓始識勞氏諸羣從云青主次巽卿幼季言見而知為魚實君子為笙士先生之括嗣笙士先生博覽多聞撰折衝府考未脫稿季言續成之刊行為世所稱故學有本源季言喜予至出手校本元和姓纂去唐郊祀錄北堂書鈔蔡中郎集文

苑英華及唐宋各家文集示子皆丹黃齊下密
行細書子歎其引證博而且精近人所未易臻此
者遂相與訂交焉子家去唐樓百里自是郵筒往
復一月數至季言嗜收書與子同癖遂互相借錄
率以為常壬戌癸亥之間避寇於鄉間青主偕異鄉
季言倉卒扁舟至雙溪就子僦居一室季言著述
在行篋中雖流離遷徙間猶自彙萃手寫不
輟俄而警至又偕子至同里備嘗艱苦而季言竟以
憂鬱對致病數月卒易篋時以生前叢殘手稿
十數冊付予云平生精力在此但隨得隨錄未竟

其緒為憾事寂寞身後若為之排比成書可乎予
含淚而應之時甲子四月事也于今十四年矣然
當時未遑檢閱迨寇平各歸故里行李蕭索祇
以殘書數卷自隨丙寅丁卯間巽卿數過予若上
亂後重逢頗見意興頽唐抱滄桑之感若不忍啟
視篋中舊物語次及昔日文酒風流未嘗不潸然
淚下也豈意不數年而巽卿耗音又至耶巽卿精
於校讎之學兼善詞曲惜所著散佚無存季言所
著雖存而殘缺失次驟難窮其端委嘗撫編三復
期不負故人之託而後可適青主促子董理踵成其事

爰發篋視之悉殘篇斷簡窮數年之力綴輯成編
為讀書雜識十二卷又唐御史臺精舍題名考三
卷卽官石柱題名考二十六卷為仁和趙星甫太史
鉞創稿季言續補成之子亦編纂成書季言習
諸史而尤熟於唐代典故錢少詹以後一人而已後
之人讀是書者自能辨別青主素不治生產兵燹
後僑寓荻岡家道日益中落然能竭蹶籌資源以
接濟以終剗剗之後可謂篤於友于之誼者矣光緒二
年丁丑九月丁寶書序

亡弟季言司訓事

季言司訓檢之季弟也家世藉仁和居唐棲先君諱某

字笙士少嘗問字於武進臧在東先生舖堂之門故學有

根柢嗜收書恣意流覽與歸安嚴脩能茂才元照德清徐

新田明經養原爲問難之友脩能沒所著爾雅匡名爲付

刊行世先君熟諳唐代典制著有唐折衝府考做帶稿

畧其折衝府考未及寫定于恪季言爲校補成書同邑趙

星甫太史錢序而刊之季言幼而聰穎年甫四歲出就外

傳受經於同里朱進士以升質旣敏慧又勤於誦習年十

二三諸經皆已卒業素性沈靜寡言笑已有成人之度焉

忽得咯血疾醫家皆謂宜靜攝斂神勿過用心遂令靜居
一室屏棄一切惟期於適性怡情爲消遣歲月計季言廼
於牀第間竊閱漢唐諸史通鑑會要諸書三年而病愈而
史學亦均能融會貫通矣年十八就童子試受知於學使
者桐城姚公公屢許爲遠器其時耆儒名宿如錢唐嚴厚
民上舍杰仁和趙星甫太史錢孫雨人學博同元長洲陳
頌甫徵士負皆相與論交爲忘年友時趙星甫方撰唐郎
官石柱題名考唐御史精舍臺題名考趙鉞字星甫仁和人嘉慶十六年辛未進士選翰林院庶吉士散館選湖北咸甯縣知縣改授江蘇溧水縣知縣陞泰州知州道光二十九年卒年七十二
屬稿未半自顧年近衰邁未及成書因將稿本託付季

言俾續成之季言一諾無辭悉力考核用功雖寒暑無間後因粵氛日熾然未嘗不勤加搜輯以期毋負故人之諄屬也又嘗欲著登科記劄稿數十緡聞大興徐星伯侍御已有成書遂中輟旋丁父憂哀毀躡踊有過於人居喪盡發先人所藏書徧讀之於是其學益邃矣其平居閱書時每置空冊於案間遇有疑義輒筆諸上方暇時緡閱諸書互相考証必至精審而後已閱十餘年而其冊已成巨帙皆密行細書有見之者無不歎其精確尤勤於校書嘗鐫一小印曰實事求是多聞闕疑凡所校之書必鈐其印於卷端蓋以此爲讀書之旨也其所校如元和姓纂大唐郊

祀錄蔡中郎集及唐宋諸家文集補正訂訛一以實事求是爲主又嘗編輯宋洪文敏公集尤延之集皆能博搜廣採無漏畧嘗三試秋闈終懷楚璞廼爲戚友所迫入貲爲校官非所願也繼遭母喪哀毀一如父喪時自父母棄養居恒常忽忽不樂若有所失而舊病又復間作矣然猶力疾手寫著述未嘗輟業旋寇氛益熾唐棲當孔道不遑窺處廼避地鄉僻然未久安最後遷於吳江之同里自顧所志未遂家室飄零家藏圖書散失殆盡憂能傷人病遂不可爲矣同治三年甲子四月二十五日歿於同里寓舍距生於嘉慶庚辰二月初一日年僅四十有五無子妻某氏

相繼而亡季言歿後十年其友丁君葆書篤於友誼因檢之請爲之編次遺著得讀書雜識十二卷唐郎官石柱題名考二十四卷唐御史精舍臺題名考三卷行將壽諸藜藁以慰其汲古好學之志嗚呼季言藉此以傳耶其書而苟傳耶季言爲不死矣光緒四年仲冬月仁和勞檢書於菰城南上堡寓齋

讀書雜誌卷第一

仁和勞 格著

歸安丁寶書述

史記六國表

齊湣王二十三年與秦擊楚使公子將大有功 今本脫

公字徐廣田敬仲完世家注引表有公字今據增案秦

本紀昭襄王八年使將軍芊戎攻楚取新市齊使章子

魏使公孫喜韓使暴鳶共攻楚方城取唐昧以上本紀呂氏

春秋似順論處方齊令章子將而與韓魏攻荆荆令唐蔑將

而應之章子練卒以夜奄荆人果殺唐蔑以上呂覽史記公

子二字當是章子之誤

秦本紀八年當依表作六年

熊氏後漢書年表

建初八年尙書令張敏爲司隸校尉明年遷案敏爲司

隸校尉在和帝永元九年熊氏兩見殊誤

說見諸以敦年表校補三

今審定建初八年司隸校尉當是華松北堂書鈔

六十

御覽

二百五十

引謝承後漢書曰華松擢爲司隸校尉奏馬

氏三侯考范書馬廖傳建初八年有司奏遣馬廖防光

就封有司蓋卽華松華松范書無傳東觀漢記

二十作梁

松梁當作華又藝文類聚

六書鈔

七十

引謝承後漢書

華崧爲河南尹當卽其人

錢氏後漢書補表

此書義例精密證引詳洽誠遠出熊氏補表之上然詳

考諸書則錢表亦不免有漏畧者今條繫之以補於後

功臣表有雍門侯終利恭見元和姓纂姓纂云漢有雍門侯終利恭下

邳人廣韻引東吉陽亭侯百里嵩見通志氏族畧氏族畧云

後漢記終利恭陽平亭侯崔烈見

留人案百里嵩范書無傳謝承書有摯虞文章志世說文章篇注引云烈字威考高陽安平

太尉封陽平亭侯胡廣孫顯襲爵安樂鄉侯見蔡邕議

案范書烈傳失載郎胡公夫人哀讚哀讚云孤顯少拜侍中襲先公之爵

名樂陽亭侯思見無名氏劉鎮南碑碑云南鄉太守

案思當是又尉亭侯趙戒諡文侯見華陽國志戒孫謙

以車騎將軍奉大駕西幸封洛亭侯討白波賊有功封

侯疑脫蓋由亭侯進縣侯也今表失載其初封事公卿

表之建初三年廷尉董昆見會稽典錄原本北堂書鈔政術部引云董

廷尉持法清峻閉門不發私書永建六年陽嘉元年太

常孔扶將作大匠胡廣見述征記御覽禮儀部十三引曰太學在國子學東

二百步學堂裏有太學讚碑記曰建武三十七年立太

學堂永建六年制下府繕治并立諸生房舍千餘間陽

嘉元年畢刊於碑有太尉龐參司徒劉琦太常孔扶將

作大匠胡廣蒼記制則是年胡廣爲將作大匠然考范

尚書僕射蓋据陽嘉元年正月立梁王后而云然四

年將作大匠馬憲見洛陽伽藍記伽藍記云陽渠石橋銘曰漢陽嘉四年

麟作大匠

馬憲造

後書劉表傳蒯越等以說劉琮降曹操侯者十五人

國三

志錢表於蒯越韓嵩傳異外僅云列侯十二人名地俱闕考襄陽耆舊傳有蔡瑁爲魏武從事中郎司馬長水校尉漢陽亭侯蔡瑁當卽十二人之一

又西鄂都鄉侯呂某熊表本闕錢据隸釋九魏橫海將

軍呂君碑增補呂君名字皆刊剝初以國志徐晃傳有

將軍呂常疑闕字卽常字今考之寶刻叢編三引碑始

知呂君諱朗字義先表僅云呂某錢亦未之詳考耳

褒成侯孔志諡元成侯見東家雜記下

中平三年延尉河南吳整

蔡邕太尉橋公碑故吏司徒博陵崔烈廷尉河南吳整等

考表中平二年三月延尉崔烈爲司徒四年四月爲太尉則吳整爲延尉當在中平二三年間諸以敦曰吳整當是代

崔烈者

公卿表章帝建初元年大司農恆農劉寬文饒 范書

本傳寬當桓靈時亦未嘗爲大司農當考

鄭康成別傳

玄以永建二年七月戊寅生八九歲能下算乘除

太平廣記二百

五年十一二隨母還家正臘會同列十數人皆美服盛飾

語言閑通玄獨漠然如不及母私督數之乃曰此非我志

不在所願也

後漢書本傳注

少好學書數十三誦五經好天文占

侯風角隱術

世說德
行篇注

年十六號曰神童民有獻嘉禾者欲

表府文辭鄙畧玄爲改作又著頌一篇侯相高其才爲修

冠禮

太平御覽
穀部三

年十七在家見大風起詣縣曰某時當有

火災宜祭燿禳廣設禁備時火果起而不果害智者異之

年二十一博極羣書精厯數圖緯之言兼精算術遂去吏

師故兗州刺史弟五玄先就東郡張恭祖受周禮禮記春

秋傳周流博觀每經歷山川及接顏一見皆終身不忘扶

風馬季長以英儒著名玄往從之參考同異季長右戚媪

於待士玄不得見住左右自起精廬旣因紹介不得通時

涿郡盧子幹爲門人冠首與盧子幹相善季長又不解部

裂七事玄思得五子幹得三季長謂子幹曰吾與汝皆弗如也季長臨別執玄手曰大道東矣子勉之後遇黨錮隱居著述凡百餘萬言

德行篇注

任城何休好公羊學遂著公羊

墨守左氏膏盲穀梁廢疾玄乃發墨守鍼膏盲起廢疾

藝文

類聚經典部

休見而歎曰康成入吾室操吾戈以伐我乎

御覽學部

四 大將軍何進辟玄乃縫掖相見玄長八尺餘須眉美秀

姿容甚偉進待以賓禮授以几杖玄多所匡正不用而退

袁紹辟玄及去餞之城東欲玄必醉會者三百餘人皆離

席奉觴自旦及暮玄飲三百餘楮而溫克之容終日無怠

德行篇注建安元年自徐州還高密道遇黃巾賊數萬人見玄

皆再拜

御覽禮儀部廿一

獻帝在許都徵爲大司農行至元城卒

德行

元卒遺令薄葬自郡守以下嘗受業者衰絰赴者千

餘御覽禮儀部三十四

玄有子爲孔融吏舉孝廉融之被圍往赴爲

賊所害有遺腹子以丁卯日生而玄以丁卯歲生故名曰

小同

魏志高貴鄉公紀注

國相孔文舉教高密縣曰公者人德之正

號不必三事大夫也今鄭君鄉宜曰鄭公鄉

御覽州郡部三

宋書

州郡志三

鄆州江夏太守瀟陽子相晉惠帝世安陸人朱伺爲陶侃
將求分安陵東界爲此縣 符瑞志中晉簡文帝咸安二

年正月甘露降隨郡灑陽縣界則灑陽東晉屬隨郡又
初學記引續晉陽秋云隋郡上甘露降灑陽縣

林邑傳

檀和之封社縣子食邑四百戶 禮志二 孝建三年八月

戊子有司奏雲杜國解稱國子檀和之所生親王求除

太夫人云云則社縣子當是雲杜縣子之誤傳脫雲字

又誤杜爲社

南史封雲杜縣子

元凶弒立以檀和之爲西中郎將雅州刺史 州郡志無

雅州元凶劭傳作雍州是

世祖卽位以爲右衛將軍孝建二年除輔國將軍豫州刺

史不行復爲右衛散騎常侍三年出爲南兖州刺史坐酣飲贖貨迎獄中女子入內免官禁錮其年卒 本紀孝建

二年四月壬午以豫章太守檀和之爲豫州刺史八月甲申以右衛將軍檀和之爲南兖州刺史則和之爲南兖州在孝建二年非三年也傳誤又考本紀三年三月癸丑以西陽王子尙爲南兖州刺史則和之免官當在三年

元凶傳

前右衛率檀和之戍石頭 林邑傳作左衛率

向彌傳

東揚州刺史顏立 立當從南史作竣

劉懷慎傳

始參高祖鎮軍騎將軍事 騎上脫車字

劉懷肅傳

僞征東將軍馮該戍夏口東岸 晉書桓元傳作鎮東臨

川武烈王傳作鎮軍

孟山圖據魯山城 道規傳揚武將軍孟山圖據魯城

桓仙客守月壘 道規傳作偃月壘此脫偃字

王懿傳

靈朔將軍劉遵考 本傳自建威將軍隨高祖北伐此云

靈朔不合

檀祇傳

左將軍歆第二弟 歆當作韶

加振武將軍隸振武大將軍道規追討桓元 道規傳時

爲振武將軍無大字疑上振武將軍字有誤

使恃節雍梁南北秦四州荊州之河北諸軍事後將軍雍州刺史關中侯趙倫之 河北疑沔北之誤關中當從本

傳作關中

朱齡石傳

河間太守蒯恩 袁豹傳同蒯恩傳晉書譙縱傳俱作蘭

陵

盜朔將軍臧熹 袁豹傳作龍驤案下文亦作龍驤

劉鍾傳

徐赤軍違處分敗於南岸 赤軍當從本紀作赤特

封安縣五等侯 据南史安下脫上字

前軍將軍道憐留鎮東府 前軍當從道憐傳作中軍

長沙景王道憐傳

故將軍青州刺史龍陽縣開國侯鎮惡 据本傳將軍上

脫左字

臨川烈武王道規傳

劉遵字慧明臨淮海西人 南史作淮南誤

率寧孟龍驤將軍孔隆及羊穆之等追索度真斛斯蘭

寧孟當是寧遠將軍孟龍符傳誤脫五字耳然據龍符傳時已除建威將軍非寧遠也斛斯蘭龍符傳作斛蘭

使持節散騎常侍都督江州豫州西陽新蔡晉熙四郡軍事征南大將軍開府儀同三司江州刺史永修縣開國公道濟 江州下脫荊州江夏四字道濟傳作江州之江夏

亦脫荊州二字

見考異

營浦侯遵考傳

以本號爲彭城沛三郡太守 三疑二

出爲使持節督雍梁南北秦四州荊州之南竟陵順陽襄陽新野隨六郡諸軍征虜將軍寧蠻校尉雍州刺史襄陽新野二郡太守 南下脫陽字

庾悅傳

祖義吳國內史父淮西中郎將豫州刺史 義晉書作義

淮當作準

袁豹傳

輔國將軍索懇 通鑑義熙九年以敦煌索邈爲梁州刺

史卽是

孔琳之傳

父殿光祿大夫 晉書孔沉傳子歆吳興太守廷尉歆子

琳之殿字誤

范泰傳

與右僕射袁湛授宋公九錫 本紀作左僕射

臧熹傳

隨何無忌府轉鎮南將軍 將軍當作參軍

魯爽傳

督司州陳留東郡濟陰濮陽五郡諸軍事征虜將軍司州
刺史至汝南加督豫州之義陽宋安二郡軍領義陽內史
將軍刺史如故北鎮義陽元嘉二十八年也 州郡志元

嘉末僑立司州於汝南尋亦省廢明帝復於南豫州之
義陽郡立司州據此傳則文帝時司州已嘗僑治義陽
特明帝已後遂爲治所耳司州旣已僑治例必加督他
州之實郡司州下當脫口州二字又五郡實止四郡考
陳留東郡濮陽三郡志屬兖州濟陰志屬徐州上口州二字未知
卽豫州否又司州僑治汝南則汝南當在所督郡內疑
陳留上脫豫州之汝南五字又州郡志宋安縣孝武大
明八年省義陽郡所統東隨二左郡立爲宋安縣屬義
陽明帝立爲郡後省據此則文帝已有宋安郡矣

沈田子傳

十一年復從討司馬休之領別軍與征虜將軍趙倫之參征虜軍事振威將軍扶風太守 倫之下有脫文

索虜傳

毛德祖滎陽南武陽人也 晉書毛寶傳滎陽武人徐

督司州之河東平陽河北雍州之京兆豫州之潁川兗州之陳留九郡軍事滎陽太守將軍如故 今數之只

六郡

晉書德祖傳
督九郡軍事

北齊書

張保洛傳

尉獮代人也 大寧初封海昌王子相貴嗣 元和姓纂司

空長樂公尉遲長命生破侯相貴破侯北齊尚書令周
汴州刺史黃源公相貴左僕射海昌王則相貴是長命
子非標子也案長命傳云太安狄那人

太安郡地形志屬朔州此云代

人統言

卒于幽州刺史贈本官加司空諡曰武壯子興

敬

北史長命傳作興字敬興錢云綦連猛傳作興慶齊書作興敬蓋避齊廟諱此作敬興轉寫誤倒耳無

破侯相貴名則尉標別是一人姓纂似誤合爲一考金

石錄北齊廣業王大安樂寺碑跋尾云廣業者尉萇

命之子破侯也碑云魏末離亂萇命嘗營護此寺其後

破侯與其弟興敬復加營葺故立此碑破侯嘗仕爲中

書令尚書左僕射尚書令錄尚書事封廣業王官甚顯

而史無傳

以上俱金石錄

據此則標與長命當卽一人無疑標

蓋長命之名也北史又云標太寧初位司徒考世祖本紀亦無尉標拜司徒之事蓋卽長命贈官唯司徒與司空小有不合耳長命封長樂公破侯在周時所歷官爵史皆未及此及北史分尉標長命爲二殆未悟標之卽長命歟

舊唐書

憲宗紀

永貞元年九月丁丑前戶部侍郎蔡弁卒 舊儒學傳蘇

弁貞元二十一年卒於家

文宗紀

太和八年十月祕書監崔威卒 据舊書文苑傳當作咸
開成四年七月以刑部侍郎高錯爲河南尹 傳作高銖
是

德宗紀

建中元年二月右補闕柳冕巴州司戶 案冕當作冕新
書柳冕傳歷右補闕史館修撰坐善劉晏貶巴州司戶
參軍

貞元十四年九月乙卯以同州刺史崔宗爲陝州長史陝
虢觀察轉運使 會要七十九 贈陝州大都督崔宗諡成案

宗當作淙新書宰相世系表二博陵二房崔氏嘯子淙

字君濟同州刺史又呂衡州文集五贈陝州大都督博

陵崔公淙行狀陸宣公集四優卹畿內百姓并除十縣

令詔崔淙可華原縣令兼御史可證舊紀作宗之誤

貞元十六年八月癸酉以河中尹王元空爲潭州刺史湖

南觀察使 案王字下有脫文新書方鎮表貞元十六年

復置河中節度使是時杜確鎮河中當是書杜確出觀

察改節度王字疑誤

肅宗紀

天寶十五載裴冕新授御史大史 舊傳中丞是

乾元二年貶東京留守魏王巨以陝州刺史苛政也 舊

傳作遂州

乾元三年太子賓客平章事張鎬爲左散騎常侍 平章

事三字衍

代宗紀

大曆七年二月甲寅以兵部侍郎李涵爲蘇州刺史兼御
史中丞充浙西觀察使 傳云六年正月誤中丞作大夫

大曆八年

二十頁
廿五行

甲子御史大夫李栖筠彈吏部侍郎

徐

下接廿一
頁十五行

浩薛邕遠格并停知選事云云

至廿二
頁五行 戊

子詔

止

戊子詔

接廿頁
廿六行

京五品以上云云

至廿一
頁十五行

丁

卯幽州

止

丁卯幽州

接廿二頁五行

節度朱泚云云

校正錯簡如右

合鈔本次序與此相同惟移丁卯幽州節度朱泚加檢校戶部尚書封懷安郡王廿字於徐浩薛邕云云上以致文理不接案舊朱泚傳大厯九年就加檢校戶部尚書賜實封百戶可証非在八年也

盧齊卿傳

雍州長史薛季旭

新傳會要作季昶是

潘好禮傳

左遷温州別駕卒

新傳同會要

三

開元十二年爲温州

刺史致仕

李建傳

德宗用爲右拾遺 新書壁記俱作左

鄭處誨傳

處誨族父朗爲定州節度使時處誨爲工部侍郎明年

十一年朗自定州鎮宣武明年大中十處誨轉刑部侍郎其

年秋授浙東觀察使後五年朗卒處誨繼爲汴州節度使

案嘉泰會稽志二鄭處誨大中十二年七月自刑部侍

郎授浙東觀察使題名記太子賓客疑涉鄭祗德而誤而鄭朗卒于大中

十一年十月揭舊傳年月不合考舊宣宗紀大中九年三

月以吏部侍郎鄭涯爲義武軍節度十一年八月義武

軍節度使鄭涯爲宣武軍節度使時正相同則傳中朗

字俱當作涯字涯以咸通二年十一月自山南東道節

度使加同平章事

見通鑑

或處誨詩中稱涯爲丞相史臣

因誤以爲朗爾 又案傳云後五年朗卒則涯之沒當

在咸通四年間

世系表涯澤州刺史利用子處誨興元節度使澹子俱出北祖房正是族父行

王正雅傳

宋申錫事起正雅與京兆尹崔綰上疏請出造事者付外

考驗 綰當作瑄

杜審權傳

大中十一年正拜禮部侍郎其年冬出爲陝州大都督府

長史陝號都團練觀察使加檢校戶部尚書河中允河中

晉絳節度使懿宗卽位召拜吏部尚書三

沈云三字誤

以本官

同平章事

新傳宣宗時入翰林爲學士累遷兵部侍郎學士承旨懿宗立進同中書門下平章事與舊傳

不同 考舊宣宗紀大中十一年九月以中散大夫禮部侍

郎上柱國賜紫金魚袋杜審權爲陝州長史兼御史大

夫陝號都防禦觀察處置等使 十三年春正月以陝

號觀察使杜審權爲戶部侍郎判戶部事 懿宗紀大

中十三年十二月以戶部侍郎翰林學士杜審權檢校

禮部尚書河中晉絳節度等使咸通元年二月以河中

節度使杜審權爲兵部侍郎判度支尋以本官同中書

門下平章事

舊傳同

新紀大中十三年十二月甲申翰林

學士承旨兵部侍郎杜審權同中書門下平章事

宰相表同

又考重修承旨學士壁記杜審權大中十二年

有脫自字

刑部侍郎充其月二十八日轉戶部侍郎知制誥承旨

十三年八月二十九日加通議大夫兵部侍郎知制誥

依前充承旨其年十二月三日守本官同平章事

與新書正

合案懿宗授杜審權平章事制結銜稱翰林學士承旨

通議大夫守尚書兵部侍郎知制誥上柱國賜紫金魚

袋制畧云甘棠廉問眾著謳謠秋卿恤刑事無枉撓先

皇帝藉其令譽擢處禁林逮余建統屢承密旨每多宏

益彌見慎修旣彰已試之能宜懋殊常之寵又授杜審
權鎮海軍節度使制紹蔽芾於謳謠盡例成於法理先
皇帝知其可用召入內庭果能新耳目之見聞備肺腑
之待遇朕初登寶位素挹嘉猷遽行制書首列台席並大
詔令其於審權踐歷敘述甚詳則杜自禮侍拜陝號自陝
號爲刑侍遂入翰林充承旨因卽入相初無鎮河中之
文舊書紀傳俱誤新傳亦失載陝號一節

劉瞻傳

咸通初升朝累遷太常博士劉瑑作相以宗人遇之薦爲
翰林學士轉員外郎郎中正拜中書舍人戶部侍郎承旨

出爲太原尹河東節度使入拜京兆尹復爲戶部侍郎翰
林學士十年以本官同平章事加中書侍郎兼刑部尙書
集賢殿大學士 新傳累遷太常博士劉瑑執政薦爲翰
林學士拜中書舍人進承旨出爲河東節度使咸通十
一年以中書侍郎同中書門下平章事與舊傳合考重
修承旨學士壁記劉瞻咸通六年十月八日自太常博
士入其月二十六日加工部員外郎依前充七年三月
九日投太常少尹出院又咸通八年十一月二十二日
自潁州刺史不赴任再入召對其月二十六日三殿召
對賜紫九年五月二十六日拜中書舍人依前充九月

十二日遷戶部侍郎知制誥承旨十月十七日以本官
同中書門下平章事則瞻止出爲太原少尹無拜太原
尹河東節度之文與兩傳不同考北夢瑣言三劉瞻授
河中少尹有命徵入以水部員外知制誥相次入翰林
以至大拜與壁記大致畧同資治通鑑考異二十一引玉
泉子聞見錄劉瞻爲太原亞尹鄭從讜爲節度使据舊
紀從讜節度河東在咸通七年三月壁記瞻授少尹正
是同時可證非誤吳鎮糾謬九疑瞻無爲河東節度使
一節雖未考之舊書有入拜京兆尹戶部侍郎翰林學
士一節因疑紀表與傳不合然瞻未鎮河東壁記年月

甚明實足爲證惟壁記瞻相在咸通九年十月十七日則字有脫誤新紀宰相表瞻入相在咸通十年六月癸卯按長厯十年六丁亥朔十七日正是癸卯壁記當作十年六月脫二字耳 舊鄭畋傳咸通中令狐綯出鎮劉瞻鎮北門辟爲從事下又有五年云云如果劉瞻鎮太原則當在五年之前然據懿記鎮河東者大中十三年爲裴休咸通元至四爲盧簡求四年爲劉潼不應又有劉瞻或疑是劉潼之誤因下文有劉瞻作相云云因亦誤作瞻耳

楊涉傳

乾符四年自刑部侍郎改吏部侍郎
紀作乾寧是

新唐書

宰相世系表

豆盧氏本姓慕容氏燕王彥弟西平王運生尚書令臨澤
敬侯制制生右衛將軍北地愍王精降後魏北人謂歸義
爲豆盧因賜以爲氏居昌黎棘城二子醜勝醜孫萇萇子
永恩勝子魯元 案庾信豆盧永恩神道碑云本姓慕容
燕文帝毓之後又慕容甯碑永恩之兄云公毓之苗裔考北
史僭僞傳運孫爲慕容永非慕容精也此云運孫其誤
一又魏收魏書盧魯元傳云曾祖副鳩仕慕容垂爲尚

書令臨澤公表既脫去鳩字又誤副爲制易公爲侯名

既不同爵亦互易其誤二又元和姓纂五十通志氏族

皆云北地王精之後入後魏道武賜姓豆盧氏北史豆盧甯傳

隋書豆盧勣傳同北史又云高祖勝以燕王始初歸魏授長樂

郡守賜姓豆盧氏周書或云北人謂歸義爲豆盧因氏

焉又云避難改焉未詳孰是案通鑑晉紀三十一隆安

元年三月辛亥夜趙王麟以兵劫左衛將軍北地王精

使帥禁兵弑慕容寶精以義拒之麟怒殺精則精無降

魏之事當依諸書以爲精後爲是表云精降後魏其誤

三又永恩碑云自天市星妖連津兵覆尙書府君改姓

豆盧筮仕於魏甯碑云曾祖尙書府君因魏室之難改
爲豆盧氏据碑則當以爲避難改姓者爲是表云北人
謂歸義爲豆盧則與魏以忠貞爲賀若之義畧同何以
孝文改姓時一改姓盧一仍舊姓乎此以知表所云者
不足信也又周書北史甯傳皆云寧高祖勝元和姓纂
云北地王精生猶醜表無猶字猶醜曾孫萇萇寧永恩之父表云醜
孫萇說亦不合其誤四又永恩碑云祖代左右將軍魏
文皇帝直寢甯碑云祖仕魏文成皇帝此疑脫成字父長少以雄畧知名
不幸早世周書萇累元鎮將表失書代一世又以長爲萇北史隋書
亦作萇其誤五凡此數科皆吳縝糾繆所未及然据慕容

甯碑知諸書以爲北地王精之後者亦未可深信察甯
碑云高祖侍中使持節都督中外諸軍事太保錄尚書
北地王慕容超之世蕃屏王室詳之燕錄可得稱焉考
晉書慕容超載記超以慕容鍾都督中外諸軍事錄尚
書事與碑正合鍾封北地王見通鑑晉紀隆安五年据
碑則豆盧氏當是鍾後非精後也魏書太祖紀登國十
年有北地王世子鍾
葵疑是
精子 近人注庾集者或以爲北地當作北海或以爲
卽桂陽王鎮誤更甚矣然載記又云鍾奔姚興拜始平
太守歸義侯不云奔魏疑鍾奔魏當在晉滅姚秦之時
但史失載耳北史周書又云勝以燕皇始初歸魏案古

以皇始紀元者唯符秦高祖及後魏太祖二君慕容諸
帝無有年號皇始者燕字疑是魏字之訛皇始初年正

道武定中山之時也

隋書豆盧勣傳北地王精後中山敗歸魏

又金石錄

七唐駙馬都尉豆盧建碑云九世祖萇在魏賜姓豆盧

氏封北地王據表則萇是建七世祖非九世祖疑碑誤
萇封北地王史亦失載

承恩 恩碑云恩字承恩

承業領軍將軍 舊書豆盧欽望傳父仁業高宗時爲左

衛將軍金石錄

四目有唐右衛將軍豆盧承基墓誌

承徽元年

二京兆金石錄及萬年宮銘碑亦作承基表作承業舊

傳作仁業並避玄宗諱改唐會要載昭陵陪葬人名有仁業又有承基亦謬領軍舊傳作左衛墓誌作右衛未詳孰是寶刻叢編六有大將軍芮國公豆盧行業碑疑是寬子卽承基

靈昭宣州刺史

欽望子

姓纂云欽肅生靈昭

欽肅欽望弟

欽爽光祿少卿 姓纂作欽爽

器桑泉令 參右衛將軍 回京兆少尹 友萬年令 俱靈

昭子 姓纂云靈昭生參回器友右衛作右威衛

貞松宗正卿中山公 寶刻叢編有唐金州刺史盧貞松碑疑卽此人也

建駙馬都尉

錢少詹曰唐會要作達建平主婿不當名

建恐當以達爲正按金石錄通志金石畧載建碑皆作

建錢說未確

方則

子

元儼

系

至靜

姓纂云方則生楷楷生元儼此脫

楷一代至靜作志靜

魯元後魏太保襄城公

魏書北史作盧魯元不云豆盧

沈炳震訂謫極詆此表之謬錢少詹以爲豆盧單稱盧

氏當是孝文遷洛時所改字文泰復代北舊姓故豆盧

寧仍稱本氏案舊書豆盧欽望傳祖寬高祖以寬會祖

萇魏太和中例稱單姓至是改寬爲盧氏後又復姓爲

豆盧氏則豆盧改姓史有明文惟魏書官氏志失載耳

子騫監察御史

陸渾

別行高子
騫五格

姓纂云子騫生陸渾

與表不合

讓

中空
一格

挹子

鄭麟

姓纂云讓曾孫挹鄭麟作鄭鄜

順

別行與子
讓字並

靜

姓纂云鄭生靜

襄陽杜氏陝州司倉參軍參謀子淪水部郎中澧州刺史

元和姓纂淪作倫是韓愈贈太傅董公行狀貞元十二

年八月上命杜倫自前殿中侍御史爲檢校工部員外

郎宣武軍節度判官

昌黎先生
集三十七

南祖崔氏宣宗相慎由

長子

昌遐字貽休太子賓客

次子盾字

垂休相昭宗 舊傳胤字昌遐則是胤字非兄新書姦

臣列傳下則字垂休與表合然傳又云世言慎由晚無

子遇異浮屠以術求乃生胤云云沈炳震据此疑胤無

兄似是表誤案文苑英華三百九十九薛廷珪授峽州刺史

崔昌遐祕書監制畧云昔以令季作鎮衡湘願分使符

出守荆楚輟自祕府委之夷陵二天方惠於疲人三入

復蘇於旱歲亟陳章表牢執撝謙以爲手足秉鈞固絕

饑寒之患簪纓委地宜均休戚之懷且惜分飛懼妨賢

路云云考宰相表胤罷相鎮武安在乾寧三年七月復

相在是年九月据制云云蓋胤既罷相昌遐自祕書監

出刺峽州盾復相後昌遐復自峽州入爲秘書監也据
此則昌遐是盾兄非字明矣至浮屠之說見北夢瑣言
四 僅云崔慎猷廉察浙西術士言有貴子及誕允日卽
瓦棺寺僧一說云是終南山僧以上亦不云晚無子也
惟南部新書丁崔慎由鎮西川四十無子終南翠微寺
僧卒遂生盾與傳頗合然慎由未嘗鎮西川小說傳聞
本不足據

宗室世系表

小鄭王房憲宗相夷簡子匡文不詳歷官 案袁本讀書
志作匡父以字形相涉而訛提要因之諸書亦有作父

者當以作匡文爲是舊書禮儀志 五 中和元年夏四月

有司請享太祖以下十一室於成都府詔公卿議其儀

太子賓客李匡乂等建議同異 唐會要 十六同郡齋讀書志 三

資暇三卷右唐李匡文濟翁撰序稱世俗之談類多訛

誤雖有見聞嘿不敢證故著此書直齋書錄解題 十 資

暇集三卷唐李匡文濟翁撰 陸游跋作匡文王楙 新書

藝文志李匡文兩漢至唐年紀一卷 昭宗時宗 又李匡

文天演源派譜一卷唐偕日譜一卷玉牒行樓一卷皇

孫郡王譜一卷元和縣主譜一卷家譜一卷又李匡文

資暇三卷書錄解題 八 李氏房從譜一卷唐洛陽主簿

李匡文撰時爲圖譜官又聖唐偕日譜一卷前賀州刺史李匡文撰序言前守職圖籍日撰天演源派譜統務在省畧直取相承一葉旁附首分諸房今特從聖唐以來列聖下諸王

李景讓傳

大中進御史大夫爲大夫三月蔣伸輔政景讓名素出伸右愧艱不能平見宰相自陳考深當代卽拜西川節度使案蔣伸輔政新紀在大中十二年十二月宰相景讓表同鎮西川在十二年七月十四日見東觀奏記下前伸相六月傳

誤北夢瑣言五蔣伸相登庸李景遜尙書西川覽報

狀而歎曰不能伏事斯人也遽託疾離鎮可証伸相在
景讓出鎮之後

資治通鑑

二首紀 咸寧四年前司隸校尉傅玄卒 考異曰玄傳曰五

年遷太僕轉司隸景獻皇后崩坐爭位罵尚書免尋卒

按景獻后崩在四年玄傳誤也格案玄爲太僕在泰始

五年

見樂志上

景獻后崩於咸寧四年相距十年考異誤認

爲咸寧五年故反以玄傳爲誤

隆安三年殺樂浪威王宙 二年有樂浪王惠奔鄴此

樂浪疑章武之誤

載記亦作樂浪

咸安元年秦以吐谷渾王辟奚爲安遠將軍濕川侯
據載記此楊纂官非辟奚也

咸安元年淮南太守桓伊宣之子 案伊桓景子非
宣子也

三晉紀 太康四年左僕射下邳王晃亦從駁議 左僕射下
疑脫魏舒右僕射五字帝紀可証

三晉紀 太康七年春正月甲寅朔日有食之魏舒稱疾固請
遜位以劇陽子罷 考異曰舒遜位紀傳皆無年月本傳
曰以災異遜位帝不聽後因正旦朝罷還第表送章綬
按本傳又曰遜位之際人莫知者若今年正旦日食遜

位至它年正旦乃送張綬不得云人無知者蓋止因今者正旦朝罷遂以災異遜位不復起耳格案藝文類聚

四十七

王隱晉書曰魏舒爲司徒九年正月朝會罷還

家奉送張綬

御覽引晉書同

則遜位當在九年通鑑誤也又案

代舒者帝紀亦無明文今考當是石鑿晉書鑿傳曰遷

石光祿大夫開府領司徒太康末拜司空又帝紀曰太

熙元年正月己巳以書左僕射王渾爲司徒三月甲

子以右光祿大夫石鑑爲司空蓋舒罷後二年方始真

除王渾爾

渾爾

晉紀

永寧元年十二月潁昌康公何邵薨

劭嗣封朗陵

公非潁昌此誤

晉紀

太原二十年十二月燕建興十年燕以陽城王蘭汗

爲北中郎將代長樂公盛鎮薊二十一年十一月章武

王宙自龍城還聞有魏寇馳入薊與鎮北將軍陽城王

蘭乘城固守蘭垂之從弟也格案蘭汗燕王垂之舅封

頓丘王非陽城汗字衍

隋紀

開皇十七年虞慶則還至潭州臨桂嶺

胡注慶則

傳作潭州臨桂嶺格案今本慶則傳注嶺當作鎮

陳氏舉正

云兩潭字
有一誤非

唐紀

開元六年三月乙巳徵嵩山處士盧鴻入見

考異

云舊傳作盧鴻一本紀新傳皆作鴻按中岳真人劉君碑云盧鴻撰今從之格案困學紀聞載葉石林盧鴻一草堂圖序并引南齊張融語人自楚越鴻常一耳以證謂鴻一之義取此而閻潛邱箋注引歷代名畫記盧鴻讀一名浩然則盧實祇名鴻又大唐新語十元宗徵嵩山隱士盧鴻西陽雜俎五時有盧鴻者道高學富隱於嵩山普寂因請鴻爲文讚歎其會後鴻字凡五見太平廣記九十二同明刻雜俎脫雲烟過眼錄載盧鴻草堂十志金石錄目錄五第九百七十六唐普寂禪師碑盧鴻撰并八分書

開元十二年正月寶刻類編三龍華殿心經盧鴻八分書李參元題記附洛大辯禪師碑盧鴻八分書同俱作盧鴻無一字蓋鴻一名浩然當以歷代名畫記爲正舊傳改名爲字失刪一字因於傳內亦作鴻一耳

唐紀

開元八年正月丙辰褚无量卒 考異曰舊本紀正

月甲子朔皇太子加元服壬申右散騎常侍褚无量卒

按長麻正月甲寅朔甲子十一日也唐麻亦云壬申无

量卒今從寶錄格案蘇頲贈禮部尙書褚公神道碑開

元庚申歲正月哉生魄文苑英華八

百九十六

則寶錄是也

唐紀

開元二十三年正月李過折檢校松漠州都督 考

異曰實錄云同幽州節度副大使舊傳云授特進檢校
 松漠州都督按過折雖有功唐未必肯使為幽州節度
 使今從舊傳格案唐書百官志節度使副大使知節度
 事副使各一人同節度副使十人或以刺史或以軍使
 或以兵馬使或以蕃將兼充故員有十人過折時以都
 督同節度副大使未嘗正授節度使非如知節度事之
 副大使及留後之比也

唐大詔令封李邊折北平郡王制亦云同幽州節度副大使是

年幽州節度使乃張守珪

唐紀 昭宗景福元年二月朱全忠奏貶河陽節度使趙克

裕以佑國節度使張全義兼河陽節度使 考異曰實

錄在正月末云全忠欲全義得河陽乃奏克裕有誣謗

之言而貶新紀云己未朱全忠陷孟州逐河陽節度使

趙克裕今從編遺錄格案舊五代史

唐書武
皇紀上

大順二年

八月南巡澤潞略地懷孟河陽趙克裕望風送款請修

鄰好則全忠之奏貶克裕以其貳於克用故耳胡注僅

云二鎮時皆屬朱全忠或貶或兼惟其所奏尙未得其

事實也又

梁書
十五

趙克裕傳自毫鄭二州刺史太祖表爲

河陽節度使檢校右僕射尋移理許田

考證云克裕移
理許田是書未

明言其故據通鑑則克裕移鎮
因梁祖欲以張全義領河陽也

考是時忠武節度徙治

陳州許州時爲支郡克裕當自河陽節度使貶許州刺

史非移鎮也舊傳當據克裕狀誌之文僅云移理而已
唐紀二 天冊萬歲元年正月章巨源貶麟州刺史 考異

曰舊紀傳新紀表傳皆作鄜州

案舊書豆盧欽望傳亦作鄜州

統記作

瀛州實錄唐麻作麟州令從之音注曰貞觀五年置麟
州以處生羌屬松州都督府案舊書地理志麟州係羈
縻二十五州之一貞觀五年置西麟州處生羌歸附八
年去西字又云永徽之後生羌相繼忽叛屢有廢置儀
鳳二年復加整比羈縻三十八州已無麟州之名巨源
罷相不應遠刺是州疑當以鄜州爲是

讀書雜識卷一 終

勞檢丁士諤校字